

ՀԱՅՈՑ ԵԿԵՂԵՅՈՒ ՊԱՏՄՈՒԹՅՈՒՆ

Կարդացե՛ք մեջբերված հատվածը և պատասխանե՛ք 1-3-րդ հարցերին.

*«...Եվ նախարարական ցեղերի միջից վերացնում է այս երկու բանը. առաջին՝ խնամությունը մերձավոր ազգականների միջև... և երկրորդ՝ որ մեռածների վրա ոճիրներ էին գործում հեթանոսական սովորությամբ...»:*

**1** Ո՞վ է մեջբերված հատվածի հեղինակը.

- 1) Ագաթանգեղոս
- 2) Մովսես Խորենացի
- 3) Փավստոս Բուզանդ
- 4) Կորյուն

**2** Ո՞ր աշխատությունից է մեջբերված հատվածը.

- 1) «Հիշատակարան»
- 2) «Վարք Մաշտոցի»
- 3) «Ս. Գրիգորի վարքը»
- 4) «Հայոց պատմություն»

**3** Ու՞մ գործունեության մասին է հիշատակվում մեջբերված հատվածում.

- 1) Ս. Մեսրոպ Մաշտոց
- 2) Ս. Սահակ Պարթև
- 3) Ս. Ներսես Մեծ
- 4) Ս. Գրիգոր Լուսավորիչ

Կարդացե՛ք մեջբերված հատվածը և պատասխանե՛ք 4-6-րդ հարցերին.

*«Նարեկավանքը հիմնադրվել է 10-րդ դարում ---- կաթողիկոսի ժամանակ՝ Բյուզանդիայից հալածված և Հայաստան գաղթած հայ վանականների կողմից: ... Այսպեղ է ժամանակին սպեղծագործել նաև հայրնի պարմիչ Ուխտանեսը: Ավանդության համաձայն՝ այսպեղ է ամփոփված եղել նաև ---- աճյունը: Նարեկավանքը վերջնականապես ավերվել է 1896 թ. քրդական ավազակախմբի կողմից, որոնք սպանել են վանահորը, 12 վանականների և թալանի ու կողոպուրի ենթարկել վանքը»:*

**4** Ո՞վ է մեջբերված հատվածի հեղինակը .

- 1) Նորայր արքեպիսկոպոս Պողոսյան
- 2) Կյուրեղ Քիպարյան
- 3) Մաղաքիա արքեպիսկոպոս Օրմանյան
- 4) Ստեփան Մելիք-Բախշյան

**5** Ո՞ր կաթողիկոսի օրոք է հիմնադրվել Նարեկավանքը .

- 1) Անանիա Ա. Մոկացի
- 2) Խաչիկ Ա. Արշարունեցի
- 3) Սարգիս Ա. Սևանցի
- 4) Հովհաննես Ե. Դրասխանակերտցի

**6** Ըստ ավանդության ո՞ւմ աճյունն է ամփոփված եղել Նարեկավանքում .

- 1) Սուրբ Ներսես Մեծի
- 2) Սուրբ Ստեփանոսի
- 3) Սուրբ Հակոբ Մծբնայի
- 4) Սուրբ Տրդատ Մեծի

**7** Մեջբերված հատվածում ո՞ր ուսուցչապետի ջանքերով է հիմնադրվել Գլաձորի համալսարանը .

*«Նրա հիմնադրման թվականը ստույգ հայտնի չէ, բայց հավանական է, որ այն հիմնադրվել է 1280 ական թվականներին ---- հայտնի ուսուցչապետի ջանքերով: Գլաձորի համալսարանը միջնադարում հայտնի է եղել որպես «երկրորդ Աթենք», «մայրաքաղաք իմաստունների» և այլն»:*

- 1) Ներսես Մշեցի
- 2) Եսայի Նչեցի
- 3) Ս. Գրիգոր Տաթևացի
- 4) Հովհան Որոտնեցի

8

Ո՞վ է մեջբերված հատվածի հեղինակը.

*«...Պարզ է, որ աստիճանը չէ պատճառը ինչպես թագավորության, այնպես էլ հզորության կամ հարստության, մանավանդ որ տեսնում ենք հարուստներին աղքատացած և աղքատներին՝ հարստացած: Մի՞թե այն էլ կարող են ասել, որ միևնույն աստիճան կարող է և՛ հարստության ու աղքատության, և՛ զորեղության ու անզորության պատճառ լինել, քանի որ հզորներին ևս տեսնում ենք հաճախ անզորացած ու անզորներին՝ զորեղացած, ինչպես և չարերին՝ խելոքացած, խելոքներին՝ չարացած ...»:*

- 1) Անանիա Շիրակացի
- 2) Եզնիկ Կողբացի
- 3) Ս.Դավիթ Անհաղթ
- 4) Ս.Գրիգոր Տաթևացի

**Կարդացե՛ք մեջբերված հատվածը և պատասխանե՛ք 9-րդ և 10-րդ հարցերին.**

*«Սուրբ Հոգին սրան մատնացույց արեց՝ նստելու իր նախահայր սուրբ Գրիգոր Լուսավորչի աթոռին, դրա համար էլ նա, հեզությամբ և ամենայն արդարությամբ օժտված մարդը, երկրորդ --- անունն ստացավ: Հրաժարվելով աշխարհիկ կյանքից՝ նա (մտածեց) հավիտենական կյանքի մասին. լուսավորեց Հայաստանը բազում և տարբեր մեկնություններով, բոլոր լեզուներից թարգմանություններ կատարեց և Աստծո եկեղեցին լցրեց աստվածային սուրբ գրքերով:*

*Նա հայոց ժողովրդի մեջ պայծառացրեց վանական դասը, նա էր, որ վերականգնեց սուրբ Գրիգոր Լուսավորչի աթոռը Հայաստանում և փայլեց սրբությամբ և ամենայն պարկեշտությամբ: Նա պահեցող էր և աղոթող»:*

9

Հայոց ո՞ր նշանավոր կաթողիկոսի մասին է խոսքը.

- 1) Ս. Ներսես Դ. Շնորհալի
- 2) Գրիգոր Բ. Վկայասեր
- 3) Գրիգոր Դ. Տղա
- 4) Գրիգոր Գ. Պաղատաբեր

10

Ո՞ր պատմիչի աշխատությունից է մեջբերված հատվածը.

- 1) Կիրակոս Գանձակեցի
- 2) Թովմա Մեծոփեցի
- 3) Մատթեոս Ուռհայեցի
- 4) Ստեփանոս Տարոնեցի Ասողիկ

**Կարդացե՛ք մեջբերված հատվածը և պատասխանե՛ք 11-րդ և 12-րդ հարցերին.**

*«Եվ դրանից հետո նա՝ ըստ ավերարանական կանոնի, դարձավ մարդասեր աստծու ծառայությանը, այնուհետև մերկացավ [իրենից] իշխանական ցանկությունները և պարծանքի խաչն առնելով՝ դուրս եկավ ամենակեցույց խաչվածի հետից: Եվ [հավաքքի] հրամաններին հավանելով՝ խառնվեց Քրիստոսի խաչակիր գնդին ու շուրով մտավ միայնակեցական կարգի մեջ: Շատ և տեսակ-տեսակ վշտակեցություններ կրեց ըստ Ավերարանին ամեն բանով. իրեն տալիս էր ամեն հոգևոր վարժությունների — միանձնության, լեռնակեցության, քաղցի ու ծարավի և բանջարաճաշակության, անլույս արգելարանների, խարազնազգեստ ու գեղնատարած անկողիների: ... Եվ մի քանիսին ևս գտել, հարեցրել էր իրեն՝ աշակերտ դարձնելով նույն սովորական ավերարանությանը:*

*Եվ այսպես նա կամայական քաջությամբ տանելով բոլոր վրա հասած փորձությունները և պայծառանալով՝ ծանոթ և հաճելի էր դարձել աստծուն և մարդկանց»:*

11

Ո՞ւմ աշխատությունից է մեջբերված հատվածը.

- 1) Ագաթանգեղոս
- 2) Եղիշե
- 3) Մովսես Խորենացի
- 4) Կորյուն

12

Ո՞ւմ գործունեությունն է ներկայացված մեջբերված հատվածում.

- 1) Ս. Մեսրոպ Մաշտոց
- 2) Ս. Ներսես Մեծ
- 3) Ս. Գրիգոր Լուսավորիչ
- 4) Ս. Սահակ Պարթև

**Կարդացե՛ք մեջբերված հատվածը և պատասխանե՛ք 13-րդ և 14-րդ հարցերին.**

***«Եթե մեկը քեզանից խնդրում է և փալիս ես, շնորհակալ եղիր Աստուծուն, որովհետև դու ավելին չահեցիր, քան նա՝ խնդրողը»:***

**13** Ո՞վ է մեջբերված խոսքերի հեղինակը.

- 1) Դավիթ Անհաղթ
- 2) Գրիգոր Տաթևացի
- 3) Եզնիկ Կողբացի
- 4) Մխիթար Գոշ

**14** Ո՞ր աշխատությունից է մեջբերված հատվածը.

- 1) «Դատաստանագիրք Հայոց»
- 2) «Գիրք հարցմանց»
- 3) «Իմաստասիրության սահմանումները»
- 4) «Եղծ աղանդոց»

**Կարդացե՛ք մեջբերված հատվածը և պատասխանե՛ք 15-17-րդ հարցերին.**

***« ---- գնում է տեսնելու Շեյխի որդի Հիսեին /Իսա Իբն Շայխ/ եւ նրա կողմից մեծ պատրվի է արժանանում. վերջինս նրան փալիս է շար պարգևներ, նաև դրոշակ՝ վրան խաչ դնելու և դրանով միշտ իր մոտ մտնելու համար: ...»:***

**15** Ո՞վ է մեջբերված հատվածի հեղինակը.

- 1) Կիրակոս Գանձակեցի
- 2) Ստեփանոս Տարոնեցի Ասողիկ
- 3) Վարդան Արևելցի
- 4) Մատթեոս Ուռհայեցի

**16** Ո՞ր աշխատությունից է մեջբերված հատվածը.

- 1) «Հայոց պատմություն»
- 2) «Ժամանակագրություն»
- 3) «Պատմություն»
- 4) «Տիեզերական պատմություն»

17

**Հայոց ո՞ր կաթողիկոսի մասին է հիշատակվում մեջբերված հատվածում.**

- 1) Զաքարիա Ա. Զագեցի
- 2) Հովհաննես Ե. Դրասխանակերտցի
- 3) Գևորգ Բ. Գառնեցի
- 4) Մաշտոց Ա. Եղիվարդեցի

**Կարդացե՛ք մեջբերված հատվածը և պատասխանե՛ք 18-րդ և 19-րդ հարցերին.**

*«Նախահայրերով եւ անցյալով պարծենալու մենք էլ իրավունք ունենք, սակայն միթե մեր նախնիներն ու մեր անցյալը կարող են մեզ օգնել, երբ մենք զուրկ ենք նոցա առաքինություններից: Ո՛չ մեր նախնյաց հայրենասիրությունը, ո՛չ նոցա հավատն ու երկյուղածությունը և ո՛չ էլ նոցա անձնվիրվածությունն ունինք: Ո՛չ անցյալի փառքը, ո՛չ էլ ներկայի մարդկային ուժը կարող են օգնել մեզ, եթե ի վերուստ օգնություն չիջնէ մեզ վրա, դրսից չէ՛, որ գալիս է ազատությունը մեր ժողովրդի համար, այլ՝ ներսի՛ց, աստվածային ճշմարտության ուժն է, որ վերածնում է ժողովրդի հոգին և բերում նրան ազատության»:*

18

**Հայոց ո՞ր կաթողիկոսն է մեջբերված խոսքերի հեղինակը.**

- 1) Գևորգ Ե. Սուրենյանց
- 2) Խորեն Ա. Մուրադբեկյան
- 3) Գևորգ Զ. Չորեքչյան
- 4) Վազգեն Ա. Պալճյան

19

**Նշվածներից ո՞ր իրադարձությունն է տեղի ունեցել վերոնշյալ կաթողիկոսի աթոռակալության տարիներին.**

- 1) Հինգուկեսդարյա ընդմիջումից հետո հայոց անկախ պետականության վերականգնումը
- 2) Հայկական հողերը Թուրքիայից հետ ստանալու խնդրանքով, Խորհրդային Միության, ԱՄՆ-ի և Անգլիայի կառավարություններին ուղղված, Հայոց կաթողիկոսի կոնդակի հղումը
- 3) Աստվածաշնչի ամբողջական տարբերակի աշխարհաբար թարգմանությունը
- 4) VII դարի կառույց Երևանի Սուրբ Կաթողիկե եկեղեցու քանդումն ու ոչնչացումը

Կարդացե՛ք մեջբերված հատվածը և պատասխանե՛ք 20-րդ և 21-րդ հարցերին.

*«Չկա ոչինչ, որ կարելի չլինի բացատրել, և չկա ոչինչ, որ անմատչելի լինի բանականությանը»:*

**20** Ո՞վ է մեջբերված խոսքերի հեղինակը.

- 1) Դավիթ Անհաղթ
- 2) Գրիգոր Տաթևացի
- 3) Եզնիկ Կողբացի
- 4) Անանիա Շիրակացի

**21** Ո՞ր դարում է ապրել և ստեղծագործել վերոնշյալ խոսքերի հեղինակը.

- 1) V դար
- 2) V - VI դարեր
- 3) VII դար
- 4) XIV դար

**22** Ո՞վ է մեջբերված խոսքերի հեղինակը.

*«Ի՞նչն է լինելու մեր կյանքի նշանաբանը:*

*...Դժվարությունների առաջ ծնկե՛լ, թե՛ այդ դժվարությունները հերոսաբար հաղթահարել: Դժվարությունները մերն են, և դժգոհությամբ չենք կարող նրանցից զերծ մնալ ու խուսափել: Դժվարությունները կարող ենք հաղթահարել ոգի և կամք դրսևորելով:*

*... Տեսա, որ մեր կյանքի դժվարությունները մեծապես հետևանք են առ Աստված մեր ունեցած հարաբերության և դեպի Աստված ունեցած մեր կեցվածքի: Կյանքն օր օրի դժվարանում է և ոչ ուրիշի մեղքով. բացառաբար մեր մեղքով: Քանզի մեր ճանապարհը չի առաջնորդում մեզ դեպի Աստված: Փորձենք մեր կյանքը կազմակերպել՝ Աստծուն և աղոթքին ապավինած»:*

- 1) Գևորգ Ե. Սուրենյանց
- 2) Վազգեն Ա. Պալճյան
- 3) Գարեգին Ա. Սարգսյան
- 4) Գարեգին Բ. Ներսիսյան



23

Հայոց ո՞ր կաթողիկոսն է ազգը բնութագրող հետևյալ խոսքերի հեղինակը.

*«Ազգ Յարեթեան եւ Թորգոմեան նաեւ Աբրահամեան, վաղահաս պարուղք Բարդուղիմէոսեան եւ Թադէոսեան, լուսածնունդ զաւակք Սուրբ էջմիածնեայն եւ Գրիգորեայն՝ առանց ամենայն տարակուսանաց եւ հակառակութեանց հայք են եւ ասին:*

*Ազգք տոհմի օրինեալ.*

*Երկրաւ բարեբանեալ.*

*Լեզուաւ կանխագարդեալ.*

*Գրով բարգաւաճեալ.*

*Հաւատով ազնուացեալ.*

*Անուամբ ճոխացեալ.*

*Առաքինութեամբ բարեպաշտեալ.*

*Ի Տէր պարծեցեալ.*

*Եւ զնմանէ գոհացեալ.*

*Եւ Աստուածաշունչ գրոց քարոզեալ»:*

- 1) Աղեքսանդր Ա. Զուղայեցի
- 2) Աբրահամ Գ. Կրետացի
- 3) Ղազար Ա. Ջահկեցի
- 4) Մովսէս Գ. Տաթևացի

24

Ո՞վ է Նիկոլայ II կայսրին այս խոսքերով ներկայացրել արևմտահայության ծանր վիճակը.

*«Իմ հոյրը Թուրքիայում, մանավանդ բնիկ հայկական գավառներում, աննախընթաց տառապանքների մեջ է: Ընդդեմ Փոքր Ասիայի հայ բնակչության ստեղծված է խաղաղ ոչնչացման մինչև այժմ չտեսնված մի համակարգ: Արդարադատության բացակայությունը, կառավարության կողմից հայ ժողովրդի արդարացի պահանջների լրիվ անտեսումը նրան հանձնել են անբարեխիղճ աստիճանավորների, քուրդ բեգերի և համիդիե հեծելազորի լիակատար իշխանությանը: ...»:*

- 1) Գևորգ Դ. Կոստանդնուպոլսեցի
- 2) Մկրտիչ Ե. Խրիմյան
- 3) Ներսես Վարժապետյան
- 4) Մակար Ա. Թեղուտեցի

25

**Ընտրել տերմինների և հասկացությունների ճիշտ բացատրությունները .**

- ա) Նորակառույց կամ վերանորոգված եկեղեցու օծման հանդիսավոր արարողությունը կոչվում է հիմնօրհներք:
- բ) Տոնացույցը եկեղեցում կատարվող ծեսերի ամբողջությունն է:
- գ) Հաղորդության համար օգտագործվող, վրան խաչի պատկերով, կլոր հացը կոչվում է բաղարջ:
- դ) Հիսուս Քրիստոսի անձեռակերտ դիմանկարը հայտնի է «Տիրոջ դաստառակ», «Փրկչի կենդանագիր պատկեր» և այլ անուններով:
- ե) Հոգևոր աստիճանների ամբողջական համակարգը կոչվում է եպիսկոպոսություն:
- զ) Ճգնավորը մենակյաց անապատականն է, ով հրաժարվել է աշխարհիկ կյանքից ու վայելքներից:
- է) Մարտիրոս հունարեն նշանակում է վկա. այսպես են կոչում նրանց, ովքեր նահատակվել են՝ վկայելով իրենց հավատը Քրիստոսի հանդեպ:
- ը) Եկեղեցու տարածքային-վարչական միավորը կոչվում է քահանայապետություն:

- 1) ա, գ, դ
- 2) բ, ե, գ
- 3) դ, գ, է
- 4) գ, է, ը

26

**Ստորև թվարկվածներից ո՞ր երեքը Վազգեն Ա. Պալճյանի պատգամներից չեն.**

- ա) Մեր հավատքն անցել է հրի և սրի միջով: Մեր հավատքը մշտապես հաղթություն է պարգևել մեզ, որովհետև մենք հավատացել ենք Ավետարանի խոսքի ճշմարտությանը՝ թե «Որ հաւատասցէ իսպառ, նա կեցցէ»:
- բ) Հայրենասիրությունը բանաձևելու կարիք չունի. նրանով պիտի ապրես, գործես, արարես:
- գ) Կա մեկ հայ ժողովուրդ, կա մեկ Հայ Հայրենիք, կա մեկ ճակատագիր, հետևաբար կա մեկ կամեցողություն և գործելու մեկ ուղղություն:
- դ) Երբ մի ժողովուրդ կանգնած է մնում անցյալի ժառանգության վրա առանց ներկա լիությամբ ու ստեղծագործորեն ապրելու, առանց նոր խոսք ասելու,

առանց նոր արժեքներ ստեղծելու նոր ժամանակների տարազով, այդ ժողովրդի առաջ փակվում են դեպի ապագա տանող դռները:

- ե) Քայլ պահենք աշխարհին հետ, առանց սակայն մեր ճամբէն դուրս գալու:
- զ) Երանի այն երիտասարդներին, որոնք գիտեն՝ ի՛նչ կարդալ, ե՛րբ կարդալ և ինչքա՛ն կարդալ:
- է) Հայրենիք ստեղծելը հերոսություն է, հայրենիք շենացնելը՝ առաքինություն:

- 1) ա, ե, գ
- 2) ա, բ, ե
- 3) բ, գ, դ
- 4) գ, դ, է

27

**Հոգևոր բարեպաշտական սովորույթների վերաբերյալ բերված պնդումներից որո՞նք են սխալ.**

- ա) Հոգեհանգստյան արարողության վերջում՝ «Քրիստոս որդի Աստուծոյ» աղոթքի ընթացքում, հիշատակվում են ննջեցյալների անունները:
- բ) Խաչակնքումը կատարվում է ձախ ձեռքի երեք մատները միացրած, ինչը խորհրդանշում է Քրիստոսի մեջ կատարյալ Աստծո և կատարյալ մարդու անբաժան միությունը:
- գ) Անդաստանի արարողության ժամանակ հոգևոր դասը խաչով, խաչվառով և Ավետարանով երգելով օրհնում է աշխարհի չորս կողմերը:
- դ) Մոմավառությունը պատարագի և մյուս ծիսական արարողությունների ընթացքում Աստծուն երկրպագելու արարողությունն է:
- ե) Գրիգոր Լուսավորչի ժամանակներից սկսած՝ մատաղ էին անում Տերունական և Սրբոց տոներին, ննջեցյալների հիշատակի համար և որպես հոգեհաց բաժանում աղքատներին, ուխտավորներին:
- զ) Երկրպագությունը միայն կատարվում է պատարագի այն ընթացքում, երբ երգվում է «Լույս զվարթ» շարականը: Երկրպագելիս խաչակնքվում են և խոնարհվում:
- է) Խնկարկությունը խորհրդանշում է առ Աստված բարձրացող աղոթքն ու օրհնությունը:

- 1) ա, գ, ե
- 2) բ, դ, գ
- 3) գ, ե, է
- 4) դ, գ, է

28

**Հայկական մանրանկարչության վերաբերյալ ստորև տրված պնդումներից որո՞նք են սխալ.**

- ա) Հայ մանրանկարչության առայժմ հայտնի հնագույն նմուշները 989 թ. «Էջմիածնի Ավետարանի» վերջում կցված չորս Տերունական մանրանկարներն են:
- բ) Ըստ միջնադարյան աստվածաբան հեղինակների մանրանկարչության մեջ կապույտ գույնը խորհրդանշում է Հիսուս Քրիստոսի աստվածային բնությունը:
- գ) Ըստ միջնադարյան աստվածաբան հեղինակների մանրանկարչության մեջ սպիտակ գույնը խորհրդանշում է սրբերի ճգնակեցությունը, նրանց մաքրությունն ու անարատ վարքը:
- դ) Ըստ միջնադարյան աստվածաբան հեղինակների մանրանկարչության մեջ կանաչ գույնը խորհրդանշում է աստվածային անհասանելի բնությունը:
- ե) Հայկական մանրանկարչության առավելագույն վերելքի ժամանակաշրջան են համարվում XVII-XVIII դարերը:
- զ) Սուրբ Ծննդյան թեմաներով մանրանկարներում, մանկական խանձարուրի տակ հաճախ ներկայացված է լինում կնոջ գլուխ՝ «Մարիամի գլուխ» մակագրությամբ:
- է) «Էջմիածնի Ավետարանի» վերջում կցված երկու թերթերի Տերունական մանրանկարների հնությունը հասնում է VI դար:
- ը) Հայկական մանրանկարչությունը, որպես ձեռագիր գրքի հարդարանք, պատկերազարդում, սկզբնավորվել է V-VI դարերում:

- 1) ա, գ, ե
- 2) բ, դ, է
- 3) դ, ե, գ
- 4) գ, է, ը

29

**Մայիսյան հերոսամարտերի վերաբերյալ ստորև բերված պնդումներից որո՞նք են ճիշտ.**

- ա) «Մահապարտներ» անունը ստացած գունդը ազատագրեց Բյուրականը:
- բ) Դարպաս գյուղի քահանա տեր Կոմիտաս Սարգսյանը, համախմբելով մի քանի գյուղերի բնակիչների, դիմադրություն կազմակերպեց Ղարաքիլիսայի

մատուցներում:

- գ) Դրաստամատ Կանայանի (Դրո) ղեկավարությամբ գործող հինգերորդ գունդը ազատագրեց Երևանը:
- դ) Հայկական զորամասերի մարտական ոգին բարձրացնելու նպատակով 1918 թ. գարնանը ռազմաճակատ մեկնեցին Գարեգին Եպիսկոպոս Հովսեփյանը և Զավեն Եպիսկոպոս Մահտեսի-Բաբայանը:
- ե) Նկատի ունենալով Մայր Աթոռին սպառնացող վտանգը՝ Հայկական զորքերի հրամանատարությունը դիմեց Գևորգ Ե. Սուրենյանց կաթողիկոսին, Բյուրական տեղափոխվելու խնդրանքով:
- զ) Բաշ Ապարանի ճակատամարտում Տեր Հովհաննեսի և Տաճատ քահանայի կազմակերպած աշխարհագորային ջոկատները առաջինը դիմագրավեցին թուրքական զորքերի հարձակմանը:
- է) 1918 թ. մայիսի 10-15-ը հայոց կամավորական շարժման ղեկավար Մեսրոպ արքեպիսկոպոս Տեր-Մովսիսյանը «Մահապարտներ»-ի գնդով մարտնչում էր Սարդարապատի մատուցներում:
- ը) Էջմիածնի միաբան Գարեգին Եպիսկոպոս Հովսեփյանը 1918 թ. մայիսի 18 - ին հանդիպեց թուրքական զորքերի հրամանատարության հետ:

- 1) ա, գ, է, ը
- 2) ա, բ, գ, է
- 3) բ, դ, ե, գ
- 4) գ, դ, ե, ը

30

**Թվարկվածներից որո՞նք են պատմական իրադարձությունների իրական պատճառ կամ հետևանք.**

- ա) Հակահասունյանների նկատմամբ թուրքական կառավարության վարած քաղաքականության պատճառով նրանց բոլոր եկեղեցիները հանձնվեցին Անտոն Հասունյանին:
- բ) Եկեղեցի-պետություն «դաշնագիրը» չիրականացավ Եղբայրական օգնության Էջմիածնի կոմիտեի գործունեության դադարեցման պատճառով:
- գ) Հայոց եկեղեցու և ժողովրդի պայքարի արդյունքում 1905 թ. օգոստոսի 1-ին, Նիկոլայ II ցարի հրովարտակով, Հայոց եկեղեցուն վերադարձվեցին նրանից բռնագրավված գույքը և դրամը:
- դ) Մայր Աթոռի բողոքների արդյունքում թուրքական կառավարությունը 1829 թ. ոչ միայն արգելեց կաթոլիկ միսիոներների քարոզչությունը հայերի

շրջանում, այլև հայ կաթոլիկներին ևս արքայաց:

- ե) «Հայոց եկեղեցու կանոնադրության» Թիֆլիսյան տարբերակը հավանության արժանացավ և անմիջապես հաստատվեց ցարի կողմից, քանի որ այն համապատասխանում էր և՛ ցարական բարձրագույն իշխանության ցանկությանը, և՛ Հայոց եկեղեցու հնավանդ ծեսերին և կանոններին:
- զ) XIV դարի առաջին կեսին բողոքական քարոզիչների Նախիջևանի մի շարք բնակավայրերում հաստատվելու պատճառով, Նախիջևանը դարձավ բողոքական եպիսկոպոսության նստավայր:
- է) Ներսես Աշտարակեցու գործունեության շնորհիվ վերականգնվեցին կանոնավոր հարաբերությունները Մայր Աթոռի և Կ.Պոլսի պատրիարքության միջև:

- 1) ա, գ, է
- 2) ա, գ, զ
- 3) բ, դ, է
- 4) դ, ե, զ

31

**Թվարկվածներից որո՞նք են պատմական իրադարձությունների իրական պատճառ կամ հետևանք.**

- ա) Կաթողիկոս ընտրվելու կապակցությամբ Գևորգ Զ Չորեքյանը Ստալինից նվեր է ստանում խորհրդային մականիշի մարդատար մեքենա:
- բ) 1801 թ. նորընտիր կաթողիկոս Հովսեփ Արղության-Երկայնաբազուկի Թիֆլիսում հանկարծամահ լինելու հետևանքով, կաթողիկոսական աթոռը դառնում է պայքարի առարկա:
- գ) Ներսես Աշտարակեցուն՝ ռուսական զորքերին ցույց տված ծառայությունների համար, Պասկևիչի միջնորդությամբ շնորհվում է Ս. Ալեքսանդր Նևսկու շքանշան:
- դ) XIX դարում Կաթոլիկ եկեղեցու կողմից ինը աստիճանների հարցի բարձրացումը պատրվակ հանդիսացավ Հայոց եկեղեցու անկախության նկատմամբ ոտնձգություններ կատարելու համար:
- ե) Սփյուռքահայերի խնդրանքը հաշվի առնելով 1938 թ. օգոստոսին ՀԿ(Բ)Կ կենտկոմը հրաժարվեց Ս. Էջմիածինը փակելու մտադրությունից:
- զ) 1922 թ. կազմված ժամանակավոր «դաշնագրի» արդյունքում կարգավորվեց Մայր Աթոռի լիազոր ներկայացուցիչ ունենալը ՀՀ կառավարությունում:
- է) Հայաստանի ժողովրդի 1921 թ. փետրվարին ընդունված որոշման

արդյունքում էջմիածնի վանքից գանձվող եկամտահարկի չափն անցնում էր 120 հազար ռուբլուց, այն դեպքում, երբ վանքի տարեկան եկամուտը կազմում էր 40-50 հազար ռուբլի:

ը) Նկատի ունենալով Մեծ Եղեռնի և հետագա ողբերգական իրադարձությունների պատճառով հայ ժողովրդի քանակական մեծ կորուստները, Գևորգ Ե. Սուրենյանց կաթողիկոսը ավելացրեց պսակադրության օրերը, արտոնեց քահանաների վերամուսնությունը և այլն:

- 1) ա, բ, գ, ը
- 2) ա, գ, զ, է
- 3) բ, դ, ե, է
- 4) դ, ե, գ, ը

32

**Հայոց կաթողիկոսների անունները դասավորել ըստ նրանց գահակալության ժամանակագրական հաջորդականության.**

- ա) Ա. Հովսեփ Ա. Հողոցմեցի
- բ) Ա. Ներսես Ա. Պարթև
- գ) Մովսես Ա. Մանազկետցի
- դ) Ա. Հովհաննես Ա. Մանդակունի
- ե) Ա.Գյուտ Ա. Արահեզացի
- զ) Ա. Սահակ Ա. Պարթև
- է) Փառեն Ա. Աշտիշատցի
- ը) Բաբգեն Ա. Ոթմսեցի
- թ) Շահակ Ա. Մանազկետցի

- 1) բ, է, թ, ա, գ, զ, ե, ը, դ
- 2) է, բ, թ, գ, ա, գ, ե, դ, ը
- 3) է, թ, բ, գ, ե, ա, դ, գ, ը
- 4) թ, է, բ, գ, ա, ե, գ, ը, դ

33

**Ըստ ժամանակագրական հաջորդականության՝ թվարկված կրթամշակութային իրադարձություններից ո՞րն է տեղի ունեցել հինգերորդը.**

- ա) Կ.Պոլսի Սկյուտարի հայոց ճեմարանի բացումը

- բ) Տաթևի համալսարանի հիմնումը
- գ) Վազգենյան դպրանոցի հիմնումը
- դ) Օշականում Մ. Մաշտոցի անվան դպրատան կառուցումը
- ե) Գևորգյան ճեմարանի հիմնումը
- զ) Գլաձորի համալսարանի հիմնումը
- է) Վենետիկում Մխիթարյան դպրոցի հիմնումը
- ը) Ներսիսյան դպրոցի բացումը
- թ) Արմաշի դպրեվանքի հիմնումը

- 1) ը
- 2) ե
- 3) թ
- 4) ա

34

**Հայոց եկեղեցու տոները դասավորել ըստ նրանց տոնման ժամանակագրական հաջորդականության.**

- ա) Հիսուս Քրիստոսի պայծառակերպության տոն
- բ) Կաթողիկե Սուրբ Էջմիածնի տոն
- գ) Բուն Բարեկենդան
- դ) Համբարձման տոն
- ե) Խաչվերացի տոն
- զ) Վարագա խաչի տոն
- է) Մարիամ Աստվածածնի Վերափոխման տոն
- ը) Ծաղկազարդ
- թ) Գյուտ խաչի տոն

- 1) գ, ա, ը, բ, դ, ե, թ, է, զ
- 2) գ, ը, դ, բ, ա, է, ե, զ, թ
- 3) ը, դ, գ, ա, ե, բ, թ, զ, է
- 4) ը, գ, ա, է, ե, դ, զ, թ, բ

35

**Իրադարձությունները դասավորել ժամանակագրական հաջորդականությամբ.**

- ա) Աղթամարի Ս. Խաչ եկեղեցում Սմբատ Արծրունու օծումը Հայոց թագավոր



- բ) «Օրացույց» և «Սաղմոսարան» գրքերի հրատարակումը Վենետիկում
- գ) Միքայել Սեբաստացու կողմից գաղտնի խորհրդածողովի գումարումը Սեբաստիայի Ս. Աստվածածին Մայր եկեղեցում
- դ) Վենետիկի ղեկավարության կողմից Սուրբ Ղազար կղզու շնորհումը Մխիթար Սեբաստացուն
- ե) Նադիրի թագադրության ժամանակ, Աբրահամ Գ. Կրետացի կաթողիկոսի կողմից, շահական իշխանության խորհրդանիշ սրի կապումը շահի մեջքին
- զ) Հարություն քահանա Շմավոնյանի կողմից հայկական առաջին պարբերական «Ազդարար»-ի հրատարակումը Մադրասում
- է) Պարսից շահ Աբաս I-ի կողմից արևելահայ բնակչության բռնագաղթը
- ը) Հայերեն առաջին Աստվածաշնչի տպագրությունը
- թ) Կիրակոս Վիրապեցու օծումը Աենայն Հայոց կաթողիկոս

- 1) ա, գ, թ, է, բ, դ, ը, գ, ե
- 2) ա, գ, է, բ, թ, դ, ե, գ, ը
- 3) թ, ա, գ, է, բ, ը, ե, դ, գ
- 4) թ, ա, գ, բ, է, ը, դ, ե, գ

**36** Թվարկվածներից որո՞նք Հայոց եկեղեցու յոթ մուրթյուններից չեն.

- 1) ազահություն
- 2) վախկոտություն
- 3) ժուժկալություն
- 4) բղջախոհություն
- 5) ստորություն
- 6) ծուլություն
- 7) որկրամոլություն

**37** Ընտրել տերմինների և հասկացությունների ճիշտ բացատրությունները.

- 1) Հայոց հեթանոսական դիցարանում Վահագնը ամպրոպի և կայծակի աստվածն էր:
- 2) Ըստ զրադաշտական դիցարանի՝ աշխարհը ստեղծել էր Զրադաշտը:
- 3) Ահուրամազդան մարգարե էր, նա ծնվել էր ներկայիս Իրաքի արևմուտքում:
- 4) Ըստ Վեդաների՝ արարիչ Բուդդան ծնվել էր Ոսկե ձվից:

- 5) Հեթանոս հայերի պատկերացմամբ՝ աշխարհը բաղկացած էր երեք մասից՝ Երկինք, Երկիր և Ծով:
- 6) Հին հայերի կարծիքով խավարի, մահվան, այլ չար ազդեցություն ունեցող ոգիները կոչվում էին չարք, դևք:
- 7) Վանի թագավորության գլխավոր աստվածը Թեյշեբան էր:

**38 Ընտրել տերմինների և հասկացությունների սխալ բացատրությունները.**

- 1) Մեսիա նշանակում է Օծյալ:
- 2) Իսրայելում օրենքի և կրոնական ավանդույթների պահպանությանը նվիրված կրոնավորներին անվանում էին սամարացիներ:
- 3) Նոր Կտակարանը բաղկացած է 48 գրքերից:
- 4) Մովսես նշանակում է լուսավորյալ:
- 5) Հիսուս թարգմանաբար նշանակում է Փրկիչ:
- 6) Քրիստոս թարգմանաբար նշանակում է Օծյալ:
- 7) Հովհաննես նշանակում է Աստծո շնորհ:

**39 Ընտրել տերմինների և հասկացությունների սխալ բացատրությունները.**

- 1) Ջրհեղեղից հետո Աստված ուխտ հաստատեց Նոյի և նրա որդիների հետ, ուխտի նշանը Աստծո և մարդու միջև եղավ ծիածանը:
- 2) Հին Կտակարանը գրվել է Քրիստոսի Ծննդից առաջ:
- 3) Հին Կտակարանի գրքերը կոչվում են Ավետարաններ, իսկ հեղինակները՝ ավետարանիչներ:
- 4) Հայ հին հեղինակները հայերի նախնի Հայկին և նրանից սերված հայերին անվանում էին «Թորգոմածին», «Թորգոմյաններ» «Թորգոմի որդիներ կամ ազգ», իսկ Հայոց երկիրն էլ՝ «Թորգոմի տուն»:
- 5) Աստվածաշունչը բաղկացած է երկու մասից, առաջին մասը կոչվում է Նոր Կտակարան կամ Նոր Ուխտ:
- 6) Հայկական լեռնաշխարհից են սկիզբ առել Աստվածաշնչյան չորս գետերը՝ Եփրատը, Տիգրիսը, Գեհոնը, Փիսոնը:
- 7) Ավետարանները մարդկանց ավետում են Աստծո կողմից մարդկանց համար սահմանված կանոններն ու օրենքները, Փրկչի՝ Հիսուս Քրիստոսի մասին աշխարհ գալու կանխատեսումները:

40

**Ստորև ներկայացված կաթողիկոսներից ո՞վքեր Պահլավունիների տոհմից չեն.**

- 1) Խաչիկ Բ. Անեցի
- 2) Գրիգոր Բ. Վկայասեր
- 3) Գրիգոր Դ. Տղա
- 4) Ներսես Դ. Շնորհալի
- 5) Գրիգոր Զ. Ապիրատ
- 6) Մեսրոպ Ա. Արտազեցի
- 7) Կոնստանդին Ա. Բարձրբերդցի

41

**Բերված պնդումներից որո՞նք են սխալ.**

- 1) Հայերեն ձեռագրերում գրատեսակները կոչվում են աղյուսակ գիր կամ տախտակագիր, երկաթագիր, բոլորգիր, շղագիր:
- 2) Կցագրությունը բնագրում օգտագործվում էր, երբ մի քանի բառ ծուլվում էին մի տառի շուրջը:
- 3) Հայոց գրերին Մեսրոպ Մաշտոցը տվեց նաև թվային արժեք՝ համարական կարգով Հայոց այբուբենը բաժանելով 6 մասի:
- 4) XIII դարում համառոտագրումներին ավելանում է նոտրգիրը:
- 5) Արձանագրությունների գիրը երկաթգիրն է, նաև հաղիպում են բոլորգրով և խառը՝ տարբեր գրատեսակներով գրված գրություններ:
- 6) Վիմագիր արձանագրությունները իրենց բնույթով բաժանվում են հոգևոր և աշխարհիկ վկայագրերի:
- 7) Թվագիր առաջին ձեռագիրը Մլքե թագուհու Ավետարանն է, իսկ հնությամբ երկրորդը՝ Լազարյան ավետարանը:

42

**Ստորև բերված պնդումներից որո՞նք են սխալ.**

- 1) Ըստ մեկնության՝ Սերմնացանի առակում ճանապարհը խորհրդանշում է այն մարդկանց, ովքեր լսում են Աստծո խոսքը, բայց ուշադրություն չեն դարձնում:
- 2) Ըստ մեկնության՝ Որոմների առակում ցորենի սերմերը բարի, իսկ որոմի սերմերը՝ չար մարդիկ են:
- 3) Որոմների առակում ցորենն ու որոմն առանձնացնելը նշանակում է, որ ամեն մարդ իր գործերի համար արժանի հատուցում պետք է ստանա:

- 4) Հիսուս Քրիստոսի 12 առաքյալներից է համարվում նաև Մատաթիան, ով ընտրվել է վիճակահանությամբ՝ Հուդա Իսկարիովտացու փոխարեն:
- 5) Հիսուս Քրիստոսը Հարության առնչուց հետո 50 օր շրջեց երկրի վրա և այդ ընթացքում բազմիցս երևաց իր աշակերտներին:
- 6) Հիսուս Քրիստոսը համբարձվեց Թաբոր լեռան վրա:
- 7) Սիմեոն Կյուրենացին, ով Հիսուս Քրիստոսի հետևորդներից էր Պիղատոս Պոնտացուց Հիսուսի մարմինը խաչից իջեցնելու թույլտվություն խնդրեց:

**43**

**Հայոց եկեղեցու տոների վերաբերյալ բերված պնդումներից որո՞նք են ճիշտ.**

- 1) Ավետման տոնը նվիրված է Գաբրիել հրեշտակապետի կողմից Մարիամ Աստվածածնին հայտնած լուրին:
- 2) Վարագա Սուրբ Խաչի տոնը նվիրված է Քրիստոսի խաչափայտի մասունքի հայտնաբերման հիշատակին:
- 3) Շողակաթի տոնը նվիրված է Մայր տաճարի նավակատիքի հիշատակին:
- 4) Տյառնընդառաջ նվիրված է քառասնօրյա Հիսուսին տաճար բերելուն:
- 5) Խաչվերացի տոնը նվիրված է Երուսաղեմի երկնքում խաչանման լույսի երևմանը:
- 6) Սուրբ Գրիգոր Լուսավորչի մուտն ի Վիրապ տոնը նվիրված է Ս. Գրիգոր Լուսավորչի տեսիլքին:
- 7) Ծաղկազարդի տոնը նվիրված է ծաղիկներով, ձիթենու և ուռենու ճյուղերով զարդարված ճանապարհով դեպի Թաբոր լեռը ուղևորվող Հիսուս Քրիստոսի պայծառակերպությանը:

**44**

**Ըստ սրբազան ավանդության Թադեոս և Բարդուղիմեոս առաքյալների վերաբերյալ բերված պնդումներից որո՞նք են ճիշտ.**

- 1) Բարդուղիմեոս առաքյալը բժշկել է Աբգար թագավորին և Եդեսիայում հիմնել է եպիսկոպոսական աթոռ:
- 2) Թադեոս առաքյալի քարոզների շնորհիվ քրիստոնյա են դարձել Սանդուխտ արքայադուստրը, բազում ազնվականներ և հասարակ մարդիկ:
- 3) Հեր գավառում, Թադեոս առաքյալի նահատակության վայրում, հետագայում կառուցվել է Ս. Թադեի վանքը:
- 4) Բարդուղիմեոս առաքյալի քարոզչության հիմնական վայրերից է դարձել Սյունյաց նահանգը:
- 5) Թադեոս առաքյալը Գողթն գավառում կառուցել է եկեղեցի, հիմնել

եպիսկոպոսական աթոռ:

- 6) Ըստ Մովսես Խորենացու վկայության, Հայաստանում քարոզելու տարիներին, Թադեոս և Բարդուղիմեոս առաքյալները մի քանի անգամ հանդիպել են Օթյաց խաչ կոչվող վայրում:
- 7) Ըստ սրբոց Ոսկյանք վկաների ավանդության Հռոմի կայսեր կողմից որպես պատգամավորներ Հայաստան ուղարկված 5 արքայազուն իշխանները ճանապարհին հանդիպելով Թադեոս առաքյալին քրիստոնեություն են ընդունել:

45

**Թվարկվածներից որո՞նք են պատմական իրադարձությունների իրական պատճառ.**

- 1) Ս. Հուսիկի մահից հետո նրա երկու որդիները հրաժարվում են հոգևորական ձեռնադրվելուց և մերժում կաթողիկոս դառնալու առաջարկը, որի պատճառով կաթողիկոս է ընտրվում Փառեն անունով մի երեց:
- 2) Աշտիշատի ժողովը չի աջակցում ճգնավորական շարժմանը, որի պատճառով ճգնավորները լքում են Հայաստանը:
- 3) Եգիպտական մամլուքների կողմից Շուղրիի Կարմիր վանքի գրավման պատճառով Հայրապետական աթոռը տեղախոխվում է Սիս:
- 4) Քանի որ Արշակավան քաղաքի կառուցման պատճառով նախարարների մեծ մասը դուրս էր եկել Արշակ թագավորի դեմ, Ներսես Մեծը նախարարներից շատերին արգելում է եկեղեցական արարողությունների ժամանակ մտնել եկեղեցի:
- 5) Բարսեղ Անեցին իր գահակալության տարիներին միավորված աթոռը չի տեղափոխում Հայաստան, որովհետև կաթողիկոսական աթոռը պետք է գտնվեր հայոց քաղաքական կյանքի կենտրոնում:
- 6) Կիլիկիայում ապրող հայերի և հույների միջև խաղաղություն հաստատելու նպատակով Ներսես Շնորհալին բանակցություններ է սկսում Կիլիկիայի բյուզանդական զորահրամանատարի հետ:
- 7) Ագաթանգեղոսի վկայությամբ քրիստոնեություն ընդունելու պատճառով Տրդատ արքան ծանր հիվանդանում է:

46

**Ստորև թվարկվածներից որո՞նք են պատմական իրադարձությունների իրական պատճառ կամ հետևանք.**

- 1) Արաբական իշխանությունները չէին հալածում պավլիկյաններին, ավելին՝ խրախուսում էին, քանզի այդ շարժումը խարխլում էր ազգի և եկեղեցու

միասնության հիմքը, բացի այդ էլ՝ երբեմն նրանց ուժերն օգտագործում էին Բյուզանդիայի դեմ պայքարում:

- 2) 1203 թ. Սիս քաղաքում տեղի է ունենում եկեղեցական ժողով, որն արգելում է հայկական բանակում զինվորներին շրջիկ եկեղեցի և սուրբ սեղան ունենալ:
- 3) Ղազար Ա. Ջահկեցի կաթողիկոսի անհեռատես քայլերի հետևանքով Նադիր շահը կողոպտում և ավերածությունների է ենթարկում նաև Էջմիածինը:
- 4) Հայոց եկեղեցին ծանր վիճակից դուրս բերելու և եկեղեցական կյանքը կանոնավորելու նպատակով Վանանդի նախկին թագավոր Գագիկ Կարսեցին 1666 թ. Ծամնդավում ժողով է գումարում:
- 5) Հակոբ Բ. Անավարզեցի կաթողիկոսը, ճիշտ չգնահատելով քաղաքական իրավիճակը, հատուկ կոնդակով պահանջում է հայոց ծեսերն ու արարողությունները փոփոխել և հարմարեցնել կաթոլիկ եկեղեցու դավանանքին, ծեսերին, արարողություններին:
- 6) Ծերության պատճառով Սսում մնացած Գրիգոր Թ. Մուսաբեկյանցը հրաժարվում է ընդունել Վաղարշապատի ժողովի որոշումները:
- 7) Հերոն I թագավորի և մոնղոլների Մանգուխանի միջև կնքած պայմանագրի շնորհիվ հայ եկեղեցին որոշ ժամանակ Ջաքարյան Հայաստանում և մոնղոլների նվաճած տարածքներում ազատություն է ստանում և հարկեր չի վճարում:

47

**Ստորև թվարկվածներից որո՞նք պատմական իրադարձությունների իրական պատճառ կամ հետևանք չեն.**

- 1) Հայոց եկեղեցին թուլացնելու նպատակով Հայհեղկոմի՝ 1920 թ. դեկտեմբերի 17-ի որոշմամբ դպրոցն անջատվեց եկեղեցուց, իսկ երկու օր անց բռնագրավվեցին Մայր Աթոռի շենքերը, ունեցվածքի մեծ մասը:
- 2) XVIII դարում պապականությունը օգտվելով Հայաստանի և Կիլիկիայի հայոց պետության դժվար կացությունից՝ ձգտում էր իրեն ենթարկել Հայոց եկեղեցին:
- 3) Քանի որ Հայոց եկեղեցու կանոնադրությունը՝ «Պոլոժենիեն» կարգավորում էր ցարական կառավարության ու Հայոց եկեղեցու փոխհարաբերությունները, Նիկոլայ II-ի հրամանագրով 1836 թ. սինոդը դադարեց գոյություն ունենալուց:
- 4) Մոսկվա կինոթատրոնը կառուցելու նպատակով 1931-1932 թթ. քանդվեց Երևանի Ս. Գրիգոր Լուսավորիչ եկեղեցին:

- 5) Հայերի բարոյական կորովը բարձրացնելու նպատակով 1897 թ. 300 հայ վրիժառուներ կազմակերպեցին պատժիչ գործողություն, որը հայտնի է Խանասորի արշավանք անունով:
- 6) Ցանկանալով Ներսես Աշտարակեցուն հեռու պահել հայոց պետականության վերականգնման համար մղվող պայքարից, ցարական իշխանությունները նրան որպես թեմի առաջնորդ աքսորեցին Բեսարաբիա:
- 7) XX դարի 80-90-ական թվականներին Հայաստան մուտք գործած աղանդավորական շարժումները, օգտվելով երկրում ստեղծված սոցիալ-տնտեսական և բարոյահոգրբանական ծանր վիճակից, միսիստներական ակտիվ գործունեություն ծավալեցին:

48

**Ստորև թվարկված պատմական իրադարձությունների պատճառներից կամ հետևանքներից որո՞նք են ճիշտ.**

- 1) Պետրոս Գետադարձ կաթողիկոսը հիմնեց Բջնիի եպիսկոպոսական աթոռը, որը հետագայում հիմք հանդիսացավ Արագածոտնի թեմի համար:
- 2) Շիրակավանի եկեղեցական ժողովում ընդունված որոշումների պատճառով Հայոց եկեղեցին պառակտվեց:
- 3) Դվինի 893 թ. կործանարար երկրաշարժի հետևանքով, Գևորգ Բ. Գառնեցի կաթողիկոսը կաթողիկոսարանը տեղափոխեց Զվարթնոց:
- 4) Արաբական նոր արշավանքների պատճառով 927 թ. Հովհաննես Ե. Դրասխանակերտցի կաթողիկոսը ստիպված կաթողիկոսական աթոռը տեղափոխեց Աղթամար:
- 5) Քրիստոնեության ամրապնդման և եկեղեցին կրթված հոգևորականներով համալրելու նպատակով Աշտիշատի ժողովում որոշում ընդունվեց եկեղեցիներին ու վանքերին կից բացել դպրոցներ:
- 6) Ս.Գրիգոր Լուսավորչի գործունեության շնորհիվ քրիստոնեությունը տարածվեց նաև Միջագետքում, Ասորիքում, Վրաստանում:
- 7) Շահապիվանի եկեղեցական ժողովի որոշումների արդյունքում նեստորականները վտարվեցին Հայաստանից:

49

**Գտնել այն երկու իրադարձությունները, որոնք խախտում են ստորև բերված իրադարձությունների ժամանակագրական հաջորդականությունը.**

- 1) Պարսկաստանում գահ են բարձրանում Սասանյանները:
- 2) Սահակ Պարթևը տեղափոխվում է Հայաստանի արևմտյան հատված և Մեսրոպ Մաշտոցին ուղարկում է Բյուզանդիայի կայսեր մոտ:
- 3) Ս.Հովհաննես Գ. Օձնեցու նախաձեռնությամբ Դվինում ժողով է գումարվում:
- 4) Հազարապետ Միրներսեհի ստորագրությամբ գրություն է ուղարկվում Հայաստան, որով քրիստոնեությունը հայտարարվում էր մոլորություն:
- 5) Վաչագան Բարեպաշտ թագավորի նախաձեռնությամբ Ամարաս են տարվում Ս.Գրիգոր Լուսավորիչի, Ս. Գայանե, Ս. Հռիփսիմե կույսերի մասունքների մի մասը:
- 6) Անգղ գյուղաքաղաքում, Ղևոնդ երեցի և նրան համախոհ հոգևարականների գլխավորությամբ, ժողովուրդը հարձակվում է մոզերի վրա, երբ վերջիններս փորձում էին քանդել եկեղեցին և այն ատրուշան դարձնել:
- 7) Վրաց թագավոր Վախթանգ Գորգասարը սպանում է Գուգարքի բդեշխ՝ ուրացող Վազգենին:
- 8) Մովսես Բ. Եղիվարդեցին պատվիրակներ է ուղարկում Կ.Պոլիս՝ եկեղեցական ժողովին մասնակցելու համար:

50

**Գտնել այն երկու իրադարձությունները, որոնք խախտում են ստորև բերված իրադարձությունների ժամանակագրական հաջորդականությունը.**

- 1) Ս. Երրորդություն անունը կրող եկեղեցու հիմնումը Աշտիշատում Ս.Գրիգոր Լուսավորչի կողմից
- 2) Եկեղեցական արարողություններից մեկի ժամանակ Հայոց հայրապետի կողմից Տիրան արքային եկեղեցի մտնելու արգելումը
- 3) Հայոց թագավորական ընտանիքի, ավագանու անդամների մկրտությունը Արածանի գետում
- 4) Մաքսիմիանոս կայսեր կողմից պատերազմի հայտարարումը Հայաստանին
- 5) Նիկեայի ժողովում ընդունված կանոնների և Նիկեական հավատո հանգանակի հաստատումը Ս. Գրիգոր Լուսավորչի կողմից
- 6) Ծոփքի Արքեղայոս իշխանի հրամանով Հայոց հայրապետի սպանությունը
- 7) Միլանի հրովարտակի ընդունումը
- 8) Հայոց հայրապետի կողմից թագաժառանգ Տիրանի ուղեկցումը Կ.Պոլիս



51

**Թվարկված եկեղեցական ժողովներից ո՞ր երկուսն են խախտում տրված շարքի ժամանակագրական հաջորդականությունը.**

- 1) Նիկեայի տիեզերական ժողովը
- 2) Դվինի երկրորդ եկեղեցական ժողովը
- 3) Աշտիշատի ժողովը
- 4) Աղվենի եկեղեցական ժողովը
- 5) Կ.Պոլսի տիեզերական ժողովը
- 6) Եփեսոսի տիեզերական ժողովը
- 7) Շահապիվանի եկեղեցական ժողովը
- 8) Արտաշատի ժողովը
- 9) Շիրակավանի եկեղեցական ժողովը

52

**Ըստ 1836 թ. հաստատված Հայոց եկեղեցու կանոնադրության («Պոլոժենիե»-ի) ի՞նչ իրավունքներ ուներ Հայոց կաթողիկոսը.**

- 1) Հայոց կաթողիկոսը ճանաչվում էր Հայոց եկեղեցու գլխավոր կառավարիչ և տեսուչ:
- 2) Կաթողիկոսը՝ Սինոդի համաձայնությամբ կարող էր իշխանությունը, լիազորությունն ու իրավունքները փոխանցել այլ ատյանի կամ անձի:
- 3) Կաթողիկոսն էր օրհնում մյուռոնը և անվճար բաժանում:
- 4) Հայոց կաթողիկոսն էր նշանակում և ազատում թեմակալ առաջնորդներին:
- 5) Կաթողիկոսի բոլոր որոշումներն ու կանոնները ենթակա էին պետական հաստատման:
- 6) Հայոց կաթողիկոսը «թագավոր-կայսր»-ի համաձայնությամբ ձեռնադրում էր եպիսկոպոսներ, կազմում հիշատակագրեր, հաշվետվություններ, հրատարակում ընդհանրական թղթեր:
- 7) Հայոց կաթողիկոսն արտասահմանի հայ համայնքների հետ կարող էր հաղորդակցվել միայն ռուսական արտաքին գործերի նախարարության միջոցով:
- 8) Դավանական և պաշտանմունքային խնդիրների վերաբերյալ վճիռ արձակելու վերջնական իրավունքը վերապահվում էր «թագավոր-կայսր»-ին:

**Ընտրել տերմինների և հասկացությունների ճիշտ բացատրությունը .**

- 1) Հուլիանոս Ուրացող կայսրը 363 թ. պարսիկների հետ կնքել է «Փառահեղ հաշտության» պայմանագիր:
- 2) Մուհամմադի հիմնած նոր կրոնը «Իսլամը» թարգմանաբար նշանակում է «հպարտություն, քաջություն»:
- 3) Հատու և վճռական խոսքերի համար Արիստակեսին անվանել են «Հոգևոր սուր»:
- 4) Ներսես Մեծին անվանել են նաև «Սրտերի լուսավորիչ»:
- 5) Աշխարհայացքն ունի միմյանց սերտորեն փոխկապակցված երեք աստիճան՝ աշխարհագագացողություն, աշխարհընկալում և աշխարհըմբռնում:
- 6) «Մի բնություն» բանաձևը պաշտպանելով, Հայոց եկեղեցին Քրիստոսի մեջ ընդունում է միայն աստվածային բնությունը՝ անխառն, անշփոթ:
- 7) «Վեհամոր ավետարանը» վանքում գտնվելու տարիներին, կնքվել է «Ծեր» և «Պահապան» անուններով:
- 8) Հայրենանվեր գործունեության համար Սահակ Պարթևին անվանել են «Հայոց հայր»:

**Բերված պնդումներից որո՞նք են սխալ.**

- 1) Ձեռնադրության խորհուրդը միշտ կատարվում է ժամերգության ընթացքում:
- 2) Հիվանդաց կարգն այն խորհուրդն է, որով սարկավազը հատուկ աղոթք է կարդում հիվանդի համար, որպեսզի Աստծու օգնությամբ նա ապաքինվի և ստանա մեղքերի թողություն:
- 3) Հաղորդություն ստանալու համար անպայման պետք է մկրտված լինել:
- 4) Պսակադրության արարողության ժամանակ նորապսակների մատներին դրվող մատանիները խորհրդանշում են, որ նրանք ամբողջ կյանքի ընթացքում պետք է պահպանեն հավատարմությունը պսակադրության ուխտին:
- 5) Ապաշխարության խորհուրդը կարող է կրկնվել, ի տարբերություն Մկրտության և Դրոշմի խորհուրդների, որոնք միայն մեկ անգամ են կատարվում:
- 6) Դրոշմի խորհուրդը կատարվում է օրհնված ջրով:
- 7) Հաղորդությունը տրվում է հոգևորականի կողմից գինու մեջ թաթախված նշխարով, այն պատարագի արարողության առանցքն է:
- 8) Մկրտությունից անմիջապես հետո քահանան մյուռոնով օծում, դրոշմում է մկրտվածի զգայարաններն ու մարմնի որոշ մասերը:

55

**Հայաստանի Հանրապետության տարածքում գործող թեմերի վերաբերյալ բերված պնդումներից որո՞նք են ճիշտ.**

- 1) Շիրակի թեմը ընդգրկում է ամբողջ Շիրակի մարզը:
- 2) Շիրակի թեմի առաջնորդանիստը Գյումրիի Յոթվերք Ս. Աստվածածին եկեղեցին է:
- 3) Տավուշի թեմի առաջնորդանիստը Իջևանի Ս. Ներսես Շնորհալի եկեղեցին է:
- 4) Կոտայքի թեմի առաջնորդանիստը Կեչառիսի վանքի Ս. Ստեփանոս Նախավկայի եկեղեցին է:
- 5) Արարատյան Հայրապետական թեմն ընդգրկում է Երևան և Էջմիածին քաղաքները:
- 6) Արմավիրի թեմի առաջնորդանիստը Բամբակաշատի Ս. Աստվածածին եկեղեցին է:
- 7) Արարատի թեմի առաջնորդանիստը Արտաշատի Ս. Հովհաննես Ավետարանիչ եկեղեցին է:
- 8) Գուգարքի թեմն ընդգրկում է Լոռու մարզը:

56

**Գտնել ճիշտ պատասխանները.**

**Ս. Մովսես Գ Տաթևացու գործունեության արդյունքում՝**

- 1) Վերաբացվեցին Սաղմոսավանքի, Հովհանավանքի և Տաթևի վանական դպրոցները:
- 2) Հայ ազատագրական շարժման պատմության մեջ առաջին անգամ կաթողիկոսը օգնության խնդրանքով դիմեց Ռուսաստանի ցարին:
- 3) Կառուցվեց Երևանի Սուրբ Զորավոր եկեղեցին:
- 4) Պարսից շահից հատուկ հրովարտակ ստացավ, որի արդյունքում արգելվեց կաթոլիկ միսիոներների գործունեությունը Հայաստանում:
- 5) Վերացվեց աթոռակից կաթողիկոսների ինստիտուտը և վերականգնվեց Ամենայն Հայոց կաթողիկոսի միանձնյա իշխանությունը:
- 6) Արգելվեց Ս. Գրիգոր Լուսավորչի Աջի և այլ սրբությունների տեղափոխումը Սպահան:
- 7) Վերանորոգվեց Ս. Էջմիածնի վանքը, Վեհարանը, կառուցվեց Մայր Տաճարի գմբեթը, շրջապարիսպը և այլն:
- 8) Էջմիածնում հիմնադրվեց տպարան:

57

**Բերված պնդումներից որո՞նք են սխալ.**

- 1) X դարում ճարտարապետության մեջ հայտնվում է իր նշանակությամբ եզակի շենք՝ գավիթը, որը կից է եկեղեցուն:
- 2) Հայաստանի՝ մեզ հասած հնագույն եկեղեցիները հիմնականում անգմբեթ են՝ միանավ և եռանավ բազիլիկներ:
- 3) IX-XIII դդ. Հայկական եկեղեցիներին բնորոշ են իկոնոստասները:
- 4) XIII դարում հայկական ճարտարապետությունը թևակոխում է զարգացման նոր փուլ՝ սկսվում է գմբեթավոր, հիմնականում՝ կենտրոնացմբեթ եկեղեցիների կառուցումը:
- 5) XIII-XIV դարերում Հայաստանում ստեղծվել է եկեղեցական շենքի նոր՝ երկհարկ տիպը, որը եկեղեցին զուգակցում է զանգակատան հետ:
- 6) Ս.Հովհաննես Օձնեցու կանոններով եկեղեցու հատակագիծը գծվել է գետնին, 12 առաքյալներին խորհրդանշող 12 քարերով նշվել են եկեղեցու անկյունները և քարերն օձվելուց հետո սկսվել է շինարարությունը:
- 7) X-XI դարերում ստեղծվել է եկեղեցական շենքի նոր՝ ներգծված խաչ տիպը:
- 8) Հայկական եկեղեցիների հատակագծում խորանը և ավանդատները շրջանաձև են:

58

**Ստորև թվարկվածներից որո՞նք պատմական իրադարձությունների իրական պատճառ կամ հետևանք չեն.**

- 1) Մարդկանց գիտակցության մեջ հեթանոսական աստվածների և կուռքերի նկատմամբ հավատի աստիճանաբար թուլացումը և նոր կրոնի՝ մեկ ճշմարիտ Աստծո հանդեպ հավատ, մարդկանց և ժողովուրդների հավասարություն, ներողամտություն, սեր և այլն քարոզելը I դարում Հռոմեական կայսրությունում քրիստոնեության տարածման հիմնական պատճառներից են հանդիսացել:
- 2) Հայ նախարարների միջնորդությունների և ճնշումների պատճառով 432 թ. պարսից արքան կաթողիկոս Սահակ Պարթևին ազատել է աքսորից և թույլատրել վերադառնալ Հայաստան:
- 3) Քաղկեդոնի ժողովի որոշումները մերժելու նպատակով Բաբկեն Ա. կաթողիկոսի նախաձեռնությամբ 506 թ. Դվինում հրավիրվում է եկեղեցական ժողով:

- 4) Քանի որ հայրապետական աթոռը գտնվում էր Հայաստանից դուրս, Հաղպատի, Բջնիի և Տաթևի արքեպիսկոպոսությունները հրաժարվում են մասնակցել Շուրիի ժողովին:
- 5) Նեստորի ուսմունքը դատապարտելու և մերժելու նպատակով 381 թ. Կ.Պոլսում հրավիրվում է տիեզերական ժողով:
- 6) Ներսես Ե. Աշտարակեցու մահից հետո Էջմիածնում հրավիրված ազգային եկեղեցական ժողովը Կ. Պոլսի պատրիարքության հետ հարաբերությունները ամրապնդելու նպատակով որոշում է կաթողիկոս ընտրել արևմտահայ եպիսկոպոսներից որևէ մեկին:
- 7) Վարազ Գրիգոր իշխանի դավադրական վախճանի պատճառով Դավթակ Քերթող բանաստեղծը գրել է մի ողբ, որը մնացել է Աղվանից աշխարհի պատմության մեջ:
- 8) Պլատոնի կարծիքով, քանի որ մարդն ապրում է հասարակության մեջ, այդ պատճառով անհատական բարիքը և երջանկությունը նրա համար հանդիսանում են վերջնանպատակ:

59

**Թվարկվածներից որո՞նք են պատմական իրադարձությունների իրական պատճառ կամ հետևանք.**

- 1) Կաթողիկ քարոզչությունը մեծ ազդեցություն գործեց Եվրոպայի հայկական գաղթավայրերում, ինչի հետևանքով արդեն XVII դարում լեհահայերն ու հունգարահայերը կաթողիկացվեցին, իսկ որոշ ժամանակ անց՝ ամբողջությամբ ձուլվեցին:
- 2) Լևոն II-ին այդպես էլ չհաջողվեց գրավել Անտիոքը, որովհետև վերջնիս աջակցում էին հարևան մահմեդական երկրները:
- 3) Ս. Էջմիածնում Հակոբ Դ. Ջուղայեցի կաթողիկոսի գլխավորությամբ հրավիրված ժողովը, Հայաստանն ազատագրելու նպատակով, որոշում ընդունեց օգնության խնդրանքով դիմել Եկատիրինա I կայսրուհուն:
- 4) Արևմուտքից օգնություն ստանալու նպատակով 1547 թ. Ամենայն Հայոց կաթողիկոս Ստեփանոս Ե. Սալմաստեցի կաթողիկոսը հրավիրեց առաջին խորհրդաժողովը:
- 5) Կրոնական-քաղաքական բաժանումների և անհամաձայնությունների հետևանքով Հռոմկլեայի Հայոց կաթողիկոսությանը չհաջողվեց վերականգնել իր իրավունքները և 1254 թ. տեղափոխվեց Ծոփք:
- 6) Հռոմի պապից և Բյուզանդիայից օգնություն ստանալու ակնկալությամբ Հեթում II թագավորն ու Գրիգոր Է. Անավարզեցի կաթողիկոսը փորձում էին Հայոց եկեղեցում ծիսական և դավանաբանական փոփոխություններ կատարել:

- 7) Չնայած Հայոց եկեղեցին իրեն ենթարկելու երկխոսություններն ու մտադրությունները հաջողությամբ չպսակվեցին, Բյուզանդական կայսրը ստիպված եղավ ճանաչել Հայոց թագավորությունը և թագ ուղարկել Լևոն II-ին:
- 8) Նահապետ Ա. Եդեսացի կաթողիկոսը չէր խրախուսում Հովսեփ Էմինի, Մշո Ս. Կարապետ վանքի վանահայր Հովնան վարդապետի և մյուս գործիչների Հայաստանի ազատագրության ուղղությամբ գործադրած ճիգերը, զգուշանալով հարվածի տակ դնել Մայր Աթոռն ու հայությանը:

60

**Մկրտիչ Խրիմյանի կյանքի և գոծունեության հետ կապ ունեցող իրադարձությունները դասավորել ժամանակագրական հաջորդականությամբ.**

- 1) Մկրտիչ Ա. Խրիմյանը Սինոդին կարգադրեց եկեղեցապատկան հողերի և գույքի բռնագրավման մասին օրենքը չիրապարակել հայկական մամուլում:
- 2) Մկրտիչ Խրիմյանը և Կ.Պոլսի պատրիարք Ներսես Վարժապետյանը կազմեցին «Գավառահայ հարստահարությունների բողոքագիրք» և հանձնեցին Կ. Պոլսի ռուսական, անգլիական և ֆրանսիական դեսպաններին:
- 3) Մկրտիչ Ա. Խրիմյանի հրահանգով Գանձակի հոգևոր փոխանորդ Կյուրեղ վարդապետը և քաղաքագլուխ Գ. Տեր-Պետրոսյանը դիմեցին Կովկասի փոխարքային՝ թույլտվություն խնդրելով հայերից ժողովրդական միլիցիայի ջոկատներ կազմելու համար:
- 4) Մկրտիչ Ա. Խրիմյանը հատուկ կոնդակով բոլոր թեմերից պահանջեց քաղաքացիական իշխանություններին չհանձնել իրենց ունեցվածքը:
- 5) Մկրտիչ Խրիմյանի նախագահությամբ կազմված պատվիրակությունը մեկնեց Բեռլին՝ արևմտահայության դատը պաշտպանելու նպատակով:
- 6) Սասունի ապստամբության ժամանակ Մկրտիչ Ա. Խրիմյանը հայ հոգևոր առաջնորդների միջոցով դիմումներ ներկայացրեց մեծ տերությունների ղեկավարներին՝ նրանց ուշադրությունը հրավիրելով Արևմտյան Հայաստանում ստեղծված իրադրության վրա:

--	--	--	--	--	--

61

**Իրադարձությունները  
հաջորդականությամբ.**

**դասավորել**

**ժամանակակգրական**

- 1) Աստծո կողմից 10 պատվիրանների հայտնումը Մովսեսին
- 2) Երուսաղեմի տաճարի կառուցումը
- 3) Դավիթ թագավորի կողմից Երուսաղեմի հռչակումը մայրաքաղաք
- 4) Իսրայելցիների ազատումը եգիպտական գերությունից
- 5) Հուդայի մայրաքաղաք Երուսաղեմի գրավումը Բաբելոնի թագավորության կողմից
- 6) Սավուղի հռչակումը իսրայելցիների թագավոր

--	--	--	--	--	--	--

62

**Հիսուս Քրիստոսի կյանքի հետ կապ ունեցող իրադարձությունները  
դասավորել ժամանակագրական հաջորդականությամբ.**

- 1) Բեթանիայից Հիսուսի և աշակերտների ուղևորությունը Երուսաղեմ
- 2) 12 աշակերտների ընտրությունը Հիսուս Քրիստոսի կողմից
- 3) Հիսուս Քրիստոսի մկրտությունը
- 4) Հիսուսի, Մարիամի և Հովսեփի բնակության հաստատումը Նազարեթում
- 5) Հիսուս Քրիստոսի Պայծառակերպությունը
- 6) Հիսուս Քրիստոսի կողմից աշակերտների ոտքերի լվացումը
- 7) Հիսուս Քրիստոսի առանձնացումը անապատում

--	--	--	--	--	--	--

63

**Իրադարձությունները  
հաջորդականությամբ.**

**դասավորել**

**ժամանակագրական**

- 1) Ս. Հովհան Օձնեցու նախաձեռնությամբ պավլիկյանների դեմ պայքարի ծավալումը
- 2) Քրիստոնեական եկեղեցու երկրորդ մեծ բաժանումը
- 3) Իսաչափայտի ազատումը գերությունից
- 4) Վրաց եկեղեցու անջատումն Արևելյան եկեղեցական ընտանիքից
- 5) Սևանի կղզու Ս. Առաքելոց և Ս. Աստվածածին եկեղեցիների կառուցումը
- 6) Երուսաղեմի հայոց պատրիարքության հիմնադրումը
- 7) Աղթամարի Ս.Իսաչ եկեղեցու կառուցումը

--	--	--	--	--	--	--

64

**Հայոց կաթողիկոսի անունը համապատասխանեցնել իրեն ժամանակակից արքայի անվանը.**

- ա) Սարգիս Ա. Սևանցի
- բ) Գրիգոր Զ. Ապիրատ
- գ) Գևորգ Բ. Գառնեցի
- դ) Կոստանդին Ա. Բարձրբերդցի
- ե) Անանիա Ա. Մոկացի
- զ) Սահակ Ա. Պարթև
- է) Ներսես Ա. Պարթև

- 1) Հերթում I
- 2) Աբաս Բագրատունի
- 3) Գագիկ I Բագրատունի
- 4) Աշոտ I Բագրատունի
- 5) Վռամշապուհ
- 6) Լևոն II Մեծագործ
- 7) Պապ Արշակունի

Ա	Բ	Գ	Դ	Ե	Զ	Է

65

**Մեջբերված հատվածը համապատասխանեցնել հեղինակի անվանը.**

- ա) «Ես միշտ էլ հավատացել եմ իմ ժողովրդի ոգուն: Ես գիտեմ նրա անցած ճանապարհի դառնությունները: Ես համոզված եմ նաև, որ ազգն իմ հայոց անարգ թշնամուն դեռ չի ասել իր վերջին խոսքը: Եվ խոսքն այդ պիտի լինի հաղթական»:
- բ) «Հայրենակիցներ, եղբայրներ և որդիներ, հին դարերում, երբ հայոց զորքը պատրաստվում էր գնալ թշնամու դեմ, նրա հրամանատարները գալիս էին էջմիածին՝ Կաթողիկոսի մոտ՝ նրա աջը համբուրելու և օրհնությունը ստանալու: Բայց այս անգամ վտանգն այնքան մեծ է և ահավոր, որ ես ահա Ս. էջմիածնից եկել եմ ձեր բոլորի ձեռքը համբուրելու, որ փրկեք հայրենիքը . . . փրկեք ձեր պատիվը, հայի պատիվը...»:
- գ) «Բարոյական առողջ սկզբունքներէ հեռացած ազգ մը ո՛չ հողով կը փրկուի եւ ո՛չ ալ բանակով: Բարոյական անկումը նախադուռն է մարդոց եւ ազգերու կործանման, պատճառը՝ խռովութեան ու պատերազմի, քանդումի եւ



աւերածութեան»:

- դ) «... Անցյալի պատմությունը մի լուսավոր լապտեր է, որ ամեն մի ժողովուրդ ձեռքին պետք է ունենա իր ճամփեն անմոլոր գնալու համար»:
- ե) «Քրիստոսեն ալ հին, Մովսեսեն ալ, իմ թշվառ ազգը: Անտեսված այս թանկարժեք հնությունը՝ հին քար մը կամ առարկա մը փնտրելու կելլեք»:
- զ) «Մարդը չպիտի մտածե աշխարհից բան տանելու մասին, այլ աշխարհում բան թողնելու մասին: Մնացածը ունայնություն է»:
- է) «Մի՛ երազիր թագ ու ամրոց,  
Մի՛ հղփանա աշխարհում.  
Լավ իմացիր՝ փոքր աղբյուրից  
Մարդ հանգիստ է ջուր խմում»:

- 1) Ավետիք Իսահակյան
- 2) Մկրտիչ Ա. Խրիմյան
- 3) Գարեգին Հովսեփյան
- 4) Գարեգին Ա. Սարգսյան
- 5) Հովհաննես Շիրազ
- 6) Հովհաննես Թումանյան
- 7) Գևորգ Ե. Սուրենյանց

Ա	Բ	Գ	Դ	Ե	Զ	Է